

PREGO DE CONDICIÓNNS TÉCNICAS QUE HAN DE REXER A LICITACIÓN POR PROCEDEMENTO ABERTO PARA OUTORGAR AUTORIZACIÓN DO USO DA VÍA PÚBLICA PARA A COLOCACIÓN DE COLECTORES DE ROUPA E CALZADO USADOS E OUTROS TÉXTILES NO MUNICIPIO DE SANTIAGO DE COMPOSTELA.

1-Xustificación e obxeto do procedemento aberto

É obxeto do presente procedemento aberto a autorización para a utilización privativa da vía pública no municipio de Santiago de Compostela, exclusivamente para a colocación de colectores de recollida de roupa e calzado usados e outros residuos textíles, cuxa localización específica se determinará polo Concello, previo estudo da proposta presentada polo adxudicatario na súa oferta, de acordo coas indicacións dadas nos Pregos e nos informes emitidos pola Policía Local e os departamentos afectados. Da devandita autorización derívase a obrigaón de baleirado dos colectores e transporte da roupa e calzado usados e outros residuos téxtíles recollidos, así como a xestión do material referido con arranxo ao establecido no presente Prego de condicións.

A autorización para a colocación deste tipo de colectores no concello de Santiago de Compostela xustifícase polo seguinte:

- Segundo o artigo 3 da Lei 22/2011 de 28 de xullo de Residuos e solos contaminados, por xerarse nos fogares como consecuencia das actividades domésticas, a roupa é considerada "residuo doméstico"

- Así mesmo, no capítulo II: Principios de Política de residuos e competencias administrativas, artigo 12 da referida Lei de Residuos, establécese que corresponde ás Entidades Locais a recollida, transporte e tratamento dos residuos domésticos xerados nos fogares na forma en que establezcan as súas respectivas ordenanzas no marco xurídico do establecido nesta Lei, das que no seu caso dicten as Comunidades Autónomas e da normativa sectorial na materia de responsabilidade ampliada do produtor.
- Doutra banda, hase de ter en conta o beneficio que supón eliminar doutros contenedores o residuo téxtil, o que doutro xeito ocasionaría máis peso na fracción de residuos destinados a rexeitamento ou ben, impropios na recollida de envases lixeiros, así como a perda dun residuo reutilizable e valioso.

2.- Ámbito de aplicación e definición do servizos e traballos a realizar

A colocación dos colectores de recollida selectiva de roupa e calzado usados e outros residuos téxtiles, obxecto da presente licitación, levarase a cabo no municipio de Santiago de Compostela e comprenderá os seguintes traballos.

2.1.- Subministración e colocación inicial de 33 colectores, nas localizacións propostas por cada licitador. Os contedores metálicos a instalar estarán construídos en chapa de aceiro galvanizado dunha soa lama e con estrutura ignífuga, personalizados co nome do CONCELLO DE SANTIAGO e co seu escudo, protexido todo él con barniz antigraffiti. A boca de entrada será pola parte posterior para facilitar o seu uso polo cidadán ao permitir o acceso pola beirarrúa

sen ter que rodealo pola calzada, e estarán dotados na boca de entrada de pletina antibarra e rodamento antirretorno en noria de carga xiratoria, así como disporá dunha porta reforzada antipalanca.

As dimensións serán:

- * Anchura frontal mínima: 1.550 mm
- * Fondo lateral mínimo: 1.150 mm
- * Altura máxima: 1.950 mm
- * A. boca entrada máxima: 1400 mm
- * Ancho da boca mínima 850mm
- * Volume xeométrico: 2.800 - 3.200 litros
- * Volume interior: 2.200 - 2.800 litros


Así mesmo, ao longo do período de autorización, o Concello poderá requirir a colocación de mais unidades en funcion das necesidades que poidan xurdir.

2.2.- Obrigacion de recollida e baleirado manual de os colectores colocados, cunha frecuencia de 2 veces por semana, de acordo aos itinerarios preestablecidos e de modo que causen o minimo de molestias á veciñanza. Se as condicións de enchido dalgún ou de todos os colectores así o indicasen (enchido igual ou superiora $\frac{3}{4}$ da capacidade do colector), a frecuencia de recollida será maior.

O contratista deberá aceptar e tratar todo o material que se lle entregue a través dos colectores de recollida que sitúe no Concello de Santiago de Compostela, independentemente do contido doutros materiais "impropios" que non sexan roupa e calzado.

2.3.- Transporte do material recollido a unha planta de clasificación. Debido á natureza deste tipo de servizo e para garantir a trazabilidade do residuo, e tendo en conta as distancias, a provisión de residuos e o principio de proximidade, a empresa deberá de contar cunha instalación autorizada para almacenamento e/ou valorización pola Xunta de Galicia, o una súa falla, xustificación documental da existencia dun xestor de residuos autorizado para as actividades de almacenamento ou tratamento en Galicia de roupa usada, destinatario intermedio ou final dos residuos recollidos, quedando totalmente prohibido a descarga de ditos residuos en calquera outro punto.

Neste senso, xustifícase o alta na plataforma de residuos da Xunta de Galicia SIRGA/GAIA.




2.4.- Pesada e control por separado dos residuos procedentes de Santiago de Compostela e recibidos na planta de clasificación de forma que sexa posible o control de residuos xerados no municipio co fin de valorar posibles cambios ou melloras na prestación do servizo. Para xustificar o traslado, deberá facer entrega ao Concello de Santiago de Compostela do documento homologado para o Transporte de Residuos non perigosos (TNP).

2.5.- Mantemento en condicións operativas da totalidade dos colectores, coa limpeza e mantemento periódico dos mesmos que se estime necesaria e que inclúa reparación, pintado ou substitución. Estas operacións realizaranse coas seguintes frecuencias (salvo que se estableza outra diferente por indicación do Concello).

- a) Lavado trimestral -interior e exterior- dos colectores (en calquera caso, sempre que o colector desprenda mal cheiro, o seu aspecto exterior sexa de suciedade ou presente pintadas).
- b) Revisión trimestral do estado dos peches.
- c) Revisión trimestral do estado xeral dos colectores (que pode levar á reparación ou substitución de pezas, así como o cambio do propio colector).
- d) Substitución dos adhesivos, sempre que estén deteriorados.
- e) Pintado daquelas partes que así o esixan, cada tres meses.

2.6.- Facer entrega :

- 
- a) *Trimestralmente* de informes de resultados que reflctan os datos de recollida en Santiago de Compostela(kg) (para o control e cálculo estadístico ou publicidade dos datos), así como as posibles incidencias que poidan afectar ao óptimo funcionamento do servizo.
 - b) *Anualmente* da descrición da trazabilidade da roupa e calzado usados e outros residuos textiles recollidos desde a súa recollida ata o seu destino final, distinguindo os fluxos de "material reutilizable", "material reciclable" e "material sen aproveitamento e impropios", e especificando os sistemas ou axentes implicados. Tamén entregará o documento oficial vixente que acredite que a báscula de pesar do material recollido en Santiago de Compostela atópase homologada e adecuadamente calibrada.

2.7.- Acudir ante avisos de necesidade de recollida, danos no colector ou suciedade no entorno, nun tempo máximo de entre 24 y 48 horas

3.- Condicións de realización das obrigas derivadas da autorización.

As operacións derivadas da colocación dos colectores realizaranse segundo as pautas anteriores, tendo en conta que o posible cambio de localización de colectores deberá ser autorizado polo Concello, previo informe de Policía Local e dos departamentos afectados.

O adxudicatario será responsable do cumprimento das disposicións vixentes en relación coa seguridade social, a fiscalidade, a protección do medio ambiente, a protección do emprego, condicións de traballo e prevención de riscos laborais e deberá dispor dos medios e equipos necesarios para a protección dos seus operarios, así como dos pertinentes seguros de responsabilidade civil e danos a terceiros que cubran os riscos do personal ou calquera outro tipo de contratempo derivado da prestación do servizo por importe non inferior a 2.000.000 euros.

Asimismo será requisito imprescindible, e por tanto de solvencia mínima do contratista, que dispoña das seguintes autorizacións para a xestión dos códigos LER 20 01 10 y 20 01 11:

-Autorización para o transporte profesional de ditos residuos non perigosos pola Administración correspondente.

-Autorización administrativa para a Valorización, almacenamento ou xestión de ditos residuos non perigosos en Galicia, ou ben, a xustificación documental da existencia dun xestor autorizado para as actividades de almacenamento ou tratamento en Galicia de roupa usada, que sería o destinatario intermedio ou final dos residuos

recollidos polo contratista.

-Alta na plataforma de residuos de Galicia SIRGA/GAIA.

-O adxudicatario deberá dispor de certificados en vigor acordes coa norma internacional de calidade UNE-ENE ISO 9001 e medioambiente UNE-EN ISO 14001. No caso de vincular una instalación na Comunidade autónoma, aquela deberá de estar no alcance do certificado.

= Xustificante do rexistro da pegada de carbono segundo o disposto no artigo 10 do RD 163/2014 do 14 de marzo, polo que se crea o rexistro da pegada de carbono.

Queda totalmente prohibido a subcontratación deste servizo, debéndose realizar directamente polo adxudicatario.

4.- Documentación técnica a presentar.

As obrigacións derivadas da autorización demanial plasmaranse nun documento no que se reflictan de forma pormenorizada e debidamente xustificada os seguintes aspectos:

-Descrición do tipo e volumen dos colectores según fixa do fabricante.

-Descrición das medidas Smart City que dispoñerán os colectores, detallando o número de colectores a instalar con dichas características.

-Plano que inclua as 35 localizacións propostas.

- Rutas e itinerarios de recollida, con horarios de comenzo e fin das tarefas, en base a proposta de localización dos colectores.
- Tarefas de limpeza e mantemento dos colectores.
- Autorización para o transporte profesional de ditos residuos non perigosos pola Administración correspondente.
- Autorización administrativa para a Valorización, almacenamento ou xestión de ditos residuos non perigosos en Galicia, ou ben, a xustificación documental da existencia dun xestor autorizado para as actividades de almacenamento ou tratamento en Galicia LER200110.
- Xustificante do alta na plataforma de residuos de Galicia SIRGA/GAIA.
- Certificado de calidade UNE-ENE ISO 9001 e medioambiente UNE-EN ISO 14001, co alcance do certificado á instalación vinculada.
- Xustificante do rexistro da pegada de carbono.
- Dotación de medios materiais asignados ao Contrato para a prestación do servizo: vehiculos a utilizar (especificando número e características, tendo en conta as previsións de vehiculos de reserva para cubrir incidencias), planta de clasificación (localización das instalacións, capacidade nominal de tratamento, liñas de tratamento de que dispoñe e fluxos previstos das distintas fraccións de residuos separados, expresando a porcentaxe estimada sobre o total recollido para cada un deles)
- Dotación de medios personais necesarios para a prestación do servizo.
- Atención e información o cidadá sobre o funcionamento do servizo. Para elo disporá como mínimo dun correo electrónico, e unha páxina web aberta en internet onde indique toda a información necesaria sobre o servizo, así como tamén un número de teléfono da empresa impreso no corpo do contedor para

atender cualquera necesidade de información da cidadanía.
Na devandita páxina web disporase das direccións e mapas da cidade, en donde se encontren os contedores instalados.

5.- Inspección e control


Os servizos obxeto do presente procedemento aberto estarán sometidos á inspección e control do Concello de Santiago de Compostela, que poderá realizar cantas revisións de personal e material teña convenientes así como comprobar o nivel de prestación das obrigas derivadas da autorización demanial.

Neste senso, para que a supervisión das tarefas sexa eficaz, por parte da empresa designarase a unha persoa que manteña contacto directo co Concello.

Así mesmo, os servizos técnicos municipais resérvanse o dereito de obrigar ao adxudicatario a efectuar a pesada, na báscula que se determine, dos portes que aleatoriamente se consideren, co fin de cotexar estas pesadas coas efectuadas na báscula que normalmente utilice o adxudicatario.

Santiago de Compostela 8 de marzo de 2016

O inspector técnico de servizos e transportes



Asdo: Luis López García

